

cotimi, zerca 10 in tutto, *solum* do vestidi di scarlato, sier Tomà Michiel sora i daci, sier Bernardo Zorzi sora i conti a manege ducal, havia con lui zerca 10 persone. Et intrato in Collegio, il Principe si levò e lo carezò e lo messe a sentar apresso, el qual apresentò le lettere del Signor. Et perchè Hironimo Zivran, nè domino Todaro Paleologo *alias* interpreti non è in questa terra per esser andati in Dalmatia per lo abocar di sier Piero Zen orator con il sanzaco di Bossina, fo interprete . . .

È da saper. *Etiam* è al sanzaco dil Ducato nostro secretario Alvise Sabadin.

Di Pizegaton, fo lettere dil Venier orator, dà 14. Come era lettere dil signor doxe di Zenoa di 10, al ducha de Milan, qual havia hauto lettere da Lion, di 6. Come il zorno sequente si partiva da Lion l'arzivescovo di Salerno domino . . . per l'impresa di Zenoa, et che l'armata francese tornava sopra Monaco et san Remo, aspettando il tempo di presentarsi. Scrive che li 1000 fanti che el Vicerè li ha mandati non è bastanti a defender quella terra e fazi altra provision, però che l'artellarie dil re Christianissimo dia esser condute per via di l'armada a Zenoa, overo per la via de Vai, che fè l'exercito cesareo quando l'andò in Provenza, et che 'l ditto exercito era lontan da Nizamia 80. *Item*, che ditta armada havia preso uno bregantin, veniva di Spagna con uno corier suso. Scrive *etiam* che lui li a Zenoa fa ogni provision, ma non ha artellarie.

Et l'orator Venier scrive. È una fama che l'exercito Cesareo saria sul pian a Mondovi a quel zorno. *Item*, per li avisi di Zenoa par, francesi vogliano far la massa in Alexandria di la Paia, *tamen* di loro nulla se intende.

In questa matina, per Collegio, fo expediti certi contestabeli, *videlicet* Antonio di Castello con fanti 500 et Babon di Naldo con 500, e altri, come dirò qui avanti, in tutto fanti 4800, et 1200 è stà scritto al Capitanio zeneral i fazi, in tutto 6000, i qual capi e contestabeli erano qui venuti a questo efeto.

26 Da poi disnar, fo Gran Consejo. Non fo il Serenissimo, che da poi è Doxe sempre è stato, et non vene per causa che . . .

Fu posto, per li Consieri e Cai di XL la parte presa in Pregadi, a di 8 di l'intrante, zerca far do Censori, la copia sarà scripta qui avanti, lecta per Lorenzo Roca secretario.

Et sier Zuan Dolfin fo avogador contradise, dicendo si fa e desfa parte, et fo longo. Fè lezer una

parte presa del 1520 zerca dar sagramento avanti et poi li scurtini a 20 di Pregadi et fo revocada. Hor fo molto tedioso. Venuto zoso fo mandà le parte. Ave: 13 non sincere, 623 di no, 795 di si, et fu presa. La causa di tante ballote di no fo perchè la brigà voleva poter pregar, nè ad altro si atendea al presente, *imo* niun poteva rimanir in Pregadi se non pregava. Hor presa la parte, fo stridà di far li Censori, et zà il scurtinio era stà comandà avanti fusse posta e presa la parte. E il scurtinio e li electi in Gran Consejo sarà qui sotto posto.

Fo *etiam* leta la parte a notitia di tutti, presa in Pregadi a di 8, zerca il refudar i beni paterni, termine do mexi.

Scurtinio di do Censori con boletini.

Sier Polo Valaresso è di la Zonta, qu.	
sier Gabriel	54.102
Sier Hironimo Barbarigo, fo consier, qu.	
sier Beneto	52.104
Sier Vettor Michiel, fo capitano a Brexa, qu. sier Michiel	66. 86
Sier Nicolò Michiel el dottor, fo avogador di comun	52. 97
Sier Gabriel Moro el cavalier, fo al luogo di procurator, qu. sier Antonio	46.107
Sier Zacaria Bembo savio a terra ferma, qu. sier Daniel	35.120
Sier Antonio Bon, fo cao dil Consejo di X, qu. sier Nicolò	23.132
Sier Vincenzo Pollani, fo provedador sora la camera, qu. sier Giacomo	44.112
Sier Marin Sanudo, fo di la Zonta, qu. sier Lunardo	46.111
Sier Bernardo Marzello, fo capitano a Verona, qu. sier Andrea	57. 97
† Sier Gasparo Malipiero, fo cao dil Consejo di X, qu. sier Michiel	94. 58
Sier Francesco Valier, fo cao dil Consejo di X, qu. sier Hironimo	79. 71
Sier Nicolò Tiepolo el dottor, fo podestà e capitano a Ruigo, qu. sier Francesco	37.117
Sier Marin da Molin, fo podestà e capitano a Treviso, qu. sier Giacomo	61. 94
Sier Polo Trivixan fo consier, qu. sier Andrea	45.108
Sier Alvise di Prioli el grando, qu. sier Marco	29.121